

ინფორმაცია ა(ა)ი.პ ჩოხატაურის მუნიციპალიტეტის „საზოგადოების ჯანდაცვის ცენტრის“

მიერ მიმდინარე წლის განვლილ პერიოდში გაწეული საქმიანობის შესახებ

2026 წანმრთელობის დაცვის სახელმწიფო პროგრამის შესაბამისად წლის განვლილ პერიოდში ჩოხატაურის მსჯც სამსახური ახორციელებს მოვალეობების შესრულებას მუნიციპალიტეტის მთელ ტერიტორიაზე მოსახლეობის ჯანმრთელობის დაცვის სფეროში პრევენციული ღონისძიებების გაუმჯობესების მიზნით.

ეპიდზედამხედველობის სახელმწიფო პროგრამა ითვალისწინებს გადამდებ დაავადებათა დროულ გამოვლენას, კერებში შესაბამისი კვლევების ჩატარება გავრცელების აღმოფხვრის გზით, ლაბორატორიებთან ურთიერთ შეთანხმებით მუშაობა და გამომწვევების იდენტიფიკაცია, ანტიბიოტიკების ეფექტური გამოყენება კლინიკების მიერ და მისი კონტროლი. მიმდინარე წელს დაფიქსირებული ინფექციური დაავადებები, რომელთა მიმართ განხორციელდა შესაბამისი ღონისძიებები: ცოფის რისკის მქონე ექსპოზიცია-69, ინფექციური წარმოშობის დიარეები -303, ჩუტყვავილა - 4, სქესობრივი გზით გადამდები დაავადებები: სიფილისი -1, ტუბერკულოზზე გამოკვლეული გვაყავს საექვო პირი - 8, მიმდინარე წელს, გამოვლენილი იქნა შიდსის დადასტურებული შემთხვევა, დადასტურებული გვაქვს ლეპტოსპიროზის 1 შემთხვევა, C ჰეპატიტის 2 ახალი, B ჰეპატიტის 2 ახალი შემთხვევები, გვექონდა სალმონელოზის დადასტურებული 1 შემთხვევა, რაზეც გავაკეთეთ შესაბამისი რეაგირება. კვლევების ჩატარების მიზნით შემოდის შეტყობინებები ლეიშმანიოზზე, ბორელიოზზე, ბრუცელოზზე და სხვა ინფექციურ დაავადებებზე.

დაავადებათა ადრეული გამოვლენის პროგრამის მხრივ აშკარად შეიმჩნევა ჯანდაცვის სამინისტროსა და დაავადებათა კონტროლის ცენტრის მხრიდან მუშაობის გააქტიურება, რაც გამოიხატება მუნიციპალურ ცენტრებში სკრინინგ აქციების დაგეგმვის და შესრულების მხრივ. სკრინინგი და დაავადებების დროული დიაგნოსტიკა თანამედროვე ჯანდაცვის ერთ-ერთი ყველაზე ეფექტური და სიცოცხლის შემნახველი მექანიზმია. მისი მთავარი უპირატესობა იმაში მდგომარეობს, რომ დაავადებას ავლენს სიმპტომების გაჩენამდე, ანუ იმ ეტაპზე, როდესაც მკურნალობა ბევრად მარტივი, ეფექტური და უფრო წარმატებულია.

კიბოსა და მრავალი ქრონიკული დაავადების ადრეული სტადია თითქმის ყოველთვის უსიმპტომოდ მიმდინარეობს, რის გამოც ადამიანი ხშირად მხოლოდ მაშინ მიმართავს ექიმს, როცა დაავადება უკვე გავრცელებულია. და ეს სერვისი ერთნაირად

უნდა იქნეს მიწოდებული როგორც ქალაქში, ასევე სოფლად მცხოვრები მოსახლეობისთვის. წელს ჩოხატაურში ჩავატარეთ 4 დღიანი სკრინინგ-აქციები, რომელიც იქნა დაგაგმილი შესაბამისი კალენდრის მიხედვით. სკრინინგი ითვალისწინებს ძუძუს, საშვილოსნოს ყელის, კოლორექტული, და პროსტატის კიბოს სკრინინგულ კვლევებს დაავადებების ადრეულ სტადიაზე გამოვლენის მიზნით. ჩოხატაურის მუნიციპალიტეტის მოსახლეობისათვის ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის ორგანიზებით „ადგილობრივი თვითმმართველობის მხარდაჭერით, ჩოხატაურის მუნიციპალური საზოგადოებრივი ჯანმრთელობის ცენტრის უშუალო მონაწილეობითა და აქტივობით პარტნიორი ორგანიზაციის: „ეროვნული სკრინინგ ცენტრი“ ჩართულობით უფასო სკრინინგ კვლევების აქცია ჩატარდა შემდეგ მიმართულებებზე:

- ძუძუს კიბოს სკრინინგი - 40 -70 წლის ასაკის ქალები - 255

მამოგრაფია და საჭიროების შემთხვევაში ექოსკოპიური გამოკვლევა - 61

- საშვილოსნოს ყელის კიბოს სკრინინგ კვლევა -25-60 წლის ასაკის ქალებში (პაპ ტესტირებისათვის მასალის აღება) -95

- პროსტატის კიბოს სკრინინგი --50-70 წლის მამაკაცებში - 32

ასევე 18 წლის ზემოთ ასაკის პირებისათვის ჩატარდება ლაბორატორიული კვლევები

- B და C ჰეპატიტი და აივ ინფექცია შიდსზე - 226

აღნიშნული სკრინინგები შეეხოთ მხოლოდ ჩოხატაურის მუნიციპალიტეტში მცხოვრებ პირებს. პასუხებს 1 თვის განმავლობაში მოგვაწოდებენ.

დედათა და ბავშვთა სახელმწიფო პროგრამა დღეის მდგომარეობით მუნიციპალიტეტის ტერიტორიაზე მოქმედ კლინიკებში აღრიცხვაზე იმყოფება 12 ორსული.

ქვეყანაში ამოქმედდა B ჰეპატიტის სახელმწიფო პროგრამა, C ჰეპატიტის პროგრამა ისევ გრძელდება 2015 წლიდან, ძირითადი მიზანია საქართველოში C და B ჰეპატიტებით, აივ ინფექცია შიდსით გამოწვეული ავადობის, სიკვდილიანობისა და ინფექციის გავრცელების შემცირება. მუნიციპალიტეტის თითქმის ყველა სოფელში ტარდება ტესტირებები C ჰეპატიტზე, აივ ინფექცია შიდსზე.

იმუნიზაციის სახელმწიფო პროგრამის მიზანია ქვეყნის მოსახლეობის დაცვა მართვადი ინფექციებისაგან იმუნიზაციის გზით და მოსახლეობის უზრუნველყოფა ყველა სახის ვაქცინით, რაც უმნიშვნელოვანესი პროგრამაა. იმუნიზაციის კვირეულის

ფარგლებში ჩატარებული გვაქვს შესაბამისი ღონისძიებები, გამოვაქვეყნეთ საგაზეთო მასალა, შეხვედრები ჩავატარეთ ადგილობრივი თვითმმართველობის წარმომადგენლებთან, სკოლების პერსონალთან და მშობლებთან, სოფლის და კლინიკის მედპერსონალთან იმუნიზაციის პრობლემურ საკითხებზე, მოცვებთან დაკავშირებით.

რაც შეეხება აცრებს, გასული წელი დავასრულეთ დამაკმაყოფილებლად, ყველა ასაკობრივ კატეგორიაში აცრების მოცვის მაჩვენებლები აღწევს მოთხოვნილ დონეს.

ჩვენი პროგრამების წარმატებით განხორციელებისათვის გადაუდებლად აუცილებელია გვქონდეს სათანადო ინფრასტრუქტურა, გამართული მატერიალურ - ტექნიკური ბაზა, ჩვენი წლიური დაფინანსება შეადგენს 206 200 ლარს, აქედან სახელფასო ფონდი შეადგენს 168960 ლარს დელეგირებული უფლებამოსილების შესრულებისათვის. საზოგადოებრივი ჯანდაცვის სამსახურის გამართული ფუნქციონირება აუცილებელია როგორც რაიონის მოსახლეობისთვის, ასევე სამედიცინო დაწესებულებების, ოჯახის ექიმების და ჯანდაცვის სამინისტროს შორის მაკოორდინირებელი როლის, სახელმწიფო პროგრამებით დაგეგმილი მთელი რიგი სხვა აქტივობების განხორციელებისათვის. ყოველივე ეს მეტ პასუხისმგებლობას აკისრებს ადგილობრივ თვითმმართველობას ხელი შეუწყოს საზოგადოებრივი ჯანდაცვის ცენტრების საქმიანობას ფინანსური რესურსების უზრუნველყოფის გზით.

ჩოხატაურის მუნიციპალიტეტის საზოგადოებრივი ჯანდაცვის ცენტრის

დირექტორი ნატო ჯიბუტი.